

miteinander Feuer auff ihn / daß also das
 Lebende vermeinte Thier von den Schüssen
 vnder ſich über ſich burckelte / sprach ein jeder:
 Ich hab ihn getroffen / Ich hab ihn getrof-
 fen / vnd wolt ein jeder der Beſchickteſt ſeyn /
 weil ſie vermeinten / es wär wol ergangen:
 Da ſie aber näher hinzue kamen / ſahen ſie
 erſt / daß ſie an ſtatt deß Behren einen Har-
 ker geſchoſſen / (der doch hernacher wieder
 curieret ward /) da ſprach ein jeder: ich hab
 es nicht gethan / ich hab ihn nicht getroffen /
 aiſo gehet es noch zu.

Haben aber alſo alle am Balbierer Lohn
 bezahlen müſſen.

CCI.

Es gibt bey den Jägern vnd auch Schü-
 tzen bißweilen wunderliche Zuſtand vnd lä-
 cherliche Boſſen / deren etliche hie wol zuer-
 zehlen wären: Will vnter anderen nuhr ei-
 nes melden / ſo bey vieler Angedencken be-
 ſchehen / daß einer eine Kuh für ein Ampſel
 geſchoſſen / da möcht einer vermeinen / die-
 ſer Schuß hat ſich auff das Gewild gar wol
 verſtanden / wie jener BAYERIſche Bawr /
 da